



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Grandimontensis Abbatia, in d. Lemonicensi.

urn:nbn:de:hbz:466:1-11261

1076.

Hos, anno 1079. amouit *Philippus* I. Rex Henrici filius, & monasterium ipsum S. *Hugoni* Abbati tunc Cluniacensi subiecit. Atque ex eo tempore Martinianum hoc monasterium coepit esse Prioratus à Cluniacensibus dependens. De monasterio isto plura qui uolet, legat librum cui titulus *Martiniana*, Parisijs sine nomine auctoris, anno 1606. excusum, & *Jacobum Breulium* libro de Antiquitatibus Parisiensibus,

CAPVT LXIV.

Grandimontensis Abbatia, in d. Lemonicensi.

Post reformationem Cluniacensem annis ferè centum, surrexit, & alia ordinis monastici in Gallia, restrictio, à monte, in quo inchoata est, *Grandimontensis* uocata. Hæc agente S. *Stephano* Abbate, legitur propagata, Natus *Stephanus* in Aruernia nobilibus parentibus, patre *Stephano*, Mureti oppidi domino (quod est in suburbano Lemonicensi, à quo & familia Mureta, ut refert, *Franciscus Bencius* in laudatione funebri M. *Antonij Mureti*, nomen accepit) ad *Milonenem Beneuentanum* Archiepiscopum, in lege Domini, & monastica disciplina, erudiendus missus est. Hic spatio duodecim annorum probè edoctus & instructus cum fuisset, desiderio

derio eremiticæ vitæ inflammatus, discessit
& multis eremis peragratis, locum tandem
aliquem, quo liberius Deo vacare posset, sibi
deligere cupiens, patriam repetijt, Muretum
montem ascendit, eumque suo desiderio &
voto aptum inueniens, pedem ibi fixit, & par-
uo tuguriolo constructo, ibidem monasticam
eremiticamque simul vitam asperrimam du-
cere coepit, anno Christi Saluatoris 1006. Pa-
nisi ei obsonium, potus aqua, requies nudæ ta-
bulæ, vestes viles & leues, quas nullo calore
minuebat, nullo frigore perangebat, indu-
mentum fuisse perhibentur. Talibus armis
per quinquaginta annos diabolo deuicto, car-
ne domata, & mundo triumphato, plurimis
monachis, sanctitatis suæ fama, miraculo-
rumque gloria allectis, & præceptis ad S. Be-
nedicti regulam optimè informatis, congre-
gationem suam inchoauit. Hanc cum aliquot
annis sanctè & sapièter rexisset, tandè pieta-
te mirificus in Dño quieuit anno, qui erat ab
eius natiuitate 1056. ætatis suæ 80. & in mo-
nasterio suo sepultus, apothecæ donatus est,
ad Idus Februarias festo dicato. At non multo
post tempore, diuino monitu *Petro Abbati*,
eius successori, facto, monachi in eum, quem
nunc habitant, Grandimontensem locum mi-
grarunt: à quo, & monasterio, quod tunc no-
uum construxerunt, in eoque S. *Stephanum*,
quem secum asportauerant, condigno
honore sepelierunt, & toti congre-
gationi nomen aptatum.